

**166 DE SACRAMENTO EXTREMÆ UNCTIONIS.**

atque deféndat omnes habitántes in hoc habitáculo. Per Christum Dóminum nostrum. *R.* Amen.

Postea revertantur eo ordine, quo venerunt, ad Sacristiam, extinctis luminibus, et sine pulsu nolæ: nisi forte in casu, quo Corpus Domini contingeret reportari.

---

**DE SACRAMENTO EXTREMÆ  
UNCTIONIS.**

Ad ungendum infirmum Fratrem fiant signa cum Campana, prout superius dictum est ad Communionem Infirmi pag. 162.; et Sacrista interim provideat de Fratribus, qui Aquam benedictam, cereos, laternam cum lumine, et Crucem sine hasta deferant. Fratribus congregatis, Prælati, vel ille cui injunctum fuerit, indutus Superpelliceo cum Stola violacea, procedat ad infirmum, præcedente Aqua benedicta, et duobus Ceroferariis in Superpelliceis cum cereis ad Unctionem accendendis; deinde laterna cum lumine, subsequente Cruce: post Crucem sequatur Sacrista, qui Oleum sanctum portet, quod semper sit in Ecclesia, vel Sacristia, et annuatim renovetur. Portet etiam in aliquo vase bombacium, seu gossypium, in sex globulos distinctum; vel tot particulas panni linei ad extergendas uncturas; postea sequatur qui facit Officium cum Libello Processionali; deinde sequatur totus Conventus in silentio, Senioribus præcedentibus.

Cum autem qui facit Officium pervenerit ad Infirmum, dicat aliquantulum alte:

**Pax huic dómui.**

Et Conventus respondeat:

**Et ómnibus habitántibus in ea.**

Postea aspergat Infirmum Aqua benedicta, ut supra dictum est, pag. 164; deinde dicat :

℣. Dóminus vobiscum.

Orémus.

**D**OMINE Deus, qui per Apóstolum tuum Jacóbum locútus es dicens : Infirmátur quis in vobis, inducat Presbyteros Ecclésiæ, et orent super eum, ungentes eum Oleo sancto in nómine Dómini ; et orátio fidei salvábit Infirmum, et alleviábit eum Dóminus ; et si in peccátis sit, dimitténtur ei : quæsumus, Dómine Redémptor noster, grátia Spíritus sancti, cura languóres istius Infirmi, et sana ejus vúlnera, ac dimitte peccáta : atque cunctos dolóres cordis et córporis ab eo expélle, et plenam ei intérius exteriúsque sanitátem misericórditer redde : ut ope misericórdiæ tuæ restitútus et sanátus, ad prístina reparétur officia. Per Christum Dóminum nostrum.  
R. Amen.

Hac Oratione finita, et responso Amen., Infirmus, ut supra dictum est, pag. 164, ad insinuationem illius qui facit Officium, humiliter roget Prælatum, et ceteros qui astant, ut si quid contra eos deliquit, ei dimittant, nisi hoc factum fuerit ante Communionem. Postea dicat Infirmus Confiteor. etc., ut supra, pag. 164.

His expeditis, qui facit Officium offerat Infirmo Crucem ad osculandum : quo facto, et Cruce reddita, incipiat Antiphonam Intret orátio. et Psalmum Dómine, ne in furóre. ; et Conventus stando prosequatur ipsum, et reliquos Psalmos Pœnitentiales, pag. 6., terminando quemlibet per Glória Patri.

Dum autem hi Psalmi dicuntur, accedat ad Infirmum Sacerdos, et intincto dextro pollice, Oleo sancto inungat ordinatim singulas partes in formam Crucis, distribuendo verba formæ cujuscumque Unctionis ad ambas partes quæ unguuntur ; primo faciens, cum dicto pollice intincto, Crucem in oculis, dicens : Per istam unctiónem.

**168 DE SACRAMENTO EXTREMÆ UNCTIONIS.**

etc.; deinde in auribus, in naribus, in ore clauso exterius, in utraque manu expansa, interius si ungendus non sit Sacerdos : nam si Sacerdos est, ungitur in utraque manu expansa, exterius, seu superius ; inungitur etiam in utroque pede superius.

Quoties vero dicitur : **Per istam unctiõnem.** etc., detergatur unctura ab aliquo Fratre, cui Sacrista innuerit ; et mutantur globuli bombacii, seu gossypii, vel panni in qualibet detersione, quos in vase mundo repositos postea Sacrista comburat, et cineres in piscinam projiciat.

**FORMA  
SACRAMENTI EXTREMÆ UNCTIONIS.**

**AD OCULOS.**

**P**ER istam unctiõnem et suam sanctam ac piissimam misericordiam, indulgeat tibi Deus quidquid deliquisti per visum.

**AD AURES.**

Per istam unctiõnem et suam sanctam ac piissimam misericordiam, indulgeat tibi Deus quidquid deliquisti per auditum.

**AD NARES.**

Per istam unctiõnem et suam sanctam ac piissimam misericordiam, indulgeat tibi Deus quidquid deliquisti per odoratum.

**AD OS.**

Per istam unctiõnem et suam sanctam ac piissimam misericordiam, indulgeat tibi Deus quidquid deliquisti per gustum.

**AD MANUS.**

Per istam unctiõnem et suam sanctam ac piissimam misericordiam, indulgeat tibi Deus quidquid deliquisti per tactum.

## AD PEDES.

Per istam unctiōnem et suam sanctam ac piissimam misericordiam, indūlgeat tibi Deus quidquid deliquisti per gressum.

¶ In casu urgenti et veræ necessitatis sufficit forma sequens cum una tantum unctiōne in fronte vel in alia parte corporis : Per istam sanctam unctiōnem indūlgeat tibi Dóminus quidquid deliquisti. Amen. (S. C. Off. 25. April. 1906.)

Peracta Unctiōne, Sacerdos detergat pollicem cum sale et pane, et abluat digitos aqua in vase mundo, tergatque manutergio ad hoc ibidem a Sacrista præparato, et ipsa ablutio projiciatur in piscinam.

Finitis Psalmis, subjungatur Antiphona Intret oratio mea in conspectu tuo : inclina aurem tuam ad preces nostras Dómine.

Postea dicat Sacerdos aliquantulum alte, sine nota, Pater noster. , et Conventus silenter dicat ipsum.

Quo finito, dicat Sacerdos alte, ut supra, ¶. Et ne nos....

- ¶. Salvum fac servum tuum,
- ☉. Deus meus, sperantem in te.
- ¶. Mitte ei, Dómine, auxilium de Sancto ;
- ☉. Et de Sion tuere eum.
- ¶. Nihil proficiat inimicus in eo ;
- ☉. Et filius iniquitatis non apponat nocere ei.
- ¶. Esto ei Dómine turris fortitudinis,
- ☉. A fácie inimici.
- ¶. Dómine, exáudi oratiōnem meam.
- ¶. Dóminus vobiscum.

Orémus.

**Q**UÆSUMUS, omnipotens Deus, ut sicut famulo tuo Ezechiae ter quinos annos ad vitam donasti, ita et

hunc fámulum tuum a lecto ægritudinis tua poténtia érigas ad salutem. Per Christum Dóminum nostrum. **R.** Amen.

Orémus.

**R**ESPICE Dómine fámulum tuum infirmitate córporis laborántem, et ánimam réfove, quam creásti ; ut castigatióibus emendáta, continuo se séntiat tua medicína salvátam. Per Christum Dóminum nostrum. **R.** Amen.

Orémus.

**D**EUS, qui factúræ tuæ semper pio domináris afféctu, inclína aurem tuam supplicatióibus nostris, et fámulum tuum ex advérta valetúdine córporis laborántem placátus réspice et vísitá in salutári tuo, et cæléstis grátiae præsta ei medicínam. Per Christum... **R.** Amen.

Orémus.

**D**EUS, infirmitátis humánæ singuláre præsidium, auxilií tui super Infirmum nostrum osténde virtútem : ut ope misericórdiæ tuæ adjútus, Ecclésiæ tuæ sanctæ incólumis repræsentári mereátur. Per Christum Dóminum nostrum. **R.** Amen.

Orémus.

**D**EUS, qui humáno géneri et salutis remédium, et vitæ æternæ præmia contulisti : consérva fámulo tuo tuárum dona virtútum, et concéde ut medélam tuam non solum in córpore, sed étiam in ánima séntiat. Per Christum Dóminum nostrum. **R.** Amen.

Orémus.

**V**IRTUTUM cæléstium Deus, qui ab humánis corpóribus omnem languórem et omnem infirmitátem præcépti tui potestáte depéllis : adésto propítius huic fámulo tuo, ut fugátis infirmitátibus, et víribus recéptis, nomen sanctum tuum instauráta prótinus sanitáte benedicat. Per Christum Dóminum nostrum. **R.** Amen.

Orémus.

**D**OMINE sancte, Pater omnipotens, ætérne Deus, qui fragilitátem humánæ conditiónis infúsa virtútis tuæ dignatióne confirmas, ut salutáribus remédiis córpora nostra et membra vegeténtur : super hunc fámulum tuum propítius inténde, ut omni necessitáte corpóreæ infirmitátis exclúsa, grátia in eo prístinæ sanitátis perfectá reparétur. Per Christum Dóminum nostrum. R. Amen.

Deinde qui facit Officium, faciat Absolutionem ! Infirmo sub hac forma :

**D**OMINUS Jesus Christus, qui dixit discipulis suis : Quæcúmque ligavéritis super terram, erunt ligáta et in cælis ; et quæcumque solvéritis super terram, erunt solúta et in cælis : de quorum número nos, quamvis indignos, esse vóluit : ipse te absolvat per ministérium nostrum ab ómnibus peccátis tuis, quæcúmque cogitatióne, vel locutióne, atque operatióne negligénte egisti ; atque a néxibus peccatórum tuórum absolutum perdúcere dignétur ad regna cælórum : Qui vivit et regnat cum Deo Patre in unitáte Spíritus sancti Deus, per ómnia sæcula sæculórum. R. Amen.

### FORMULA

Benedictionis impertiendæ in articulo mortis constitutis, ab iis qui facultatem habent a Sede apostolica, præscripta a SS. D. N. Benedicto PP. XIV. in Constitutione 5. Aprilis 1747, quæ incipit : **Pia Mater**. Quæ formula (ex Brevi Apostolico **Quo univérsi**. Leonis Papæ XIII. sub die 7. Julii 1882.) retineri debet quoad omnes, etiam Regulares, Tertiarios... atque etiam (ex Const. ejusdem **Ubi primum**. sub die 2. Octobris 1898.) quoad Confratres SS. Rosarii.

ŷ. Adjutórium nostrum in nómine Dómini.

℟. Qui fecit cælum et terram.

Ant. Ne reminiscáris Dómine delicta Fámuli tui (vel Ancillæ tuæ), neque vindictam sumas de peccátis ejus.

Kyrie eléison. Christe eléison. Kyrie eléison. Pater noster.

☩. Et ne nos...

☩. Salvum fac Servum tuum (vel Salvam fac Ancillam tuam.)

℟. Deus meus, sperántem in te.

☩. Dómine, exáudi oratióem meam.

☩. Dóminus vobíscum.

Orémus.

**C**LEMENTISSIME Deus, Pater misericordiárum, et Deus totius consolatiónis, qui néminem vis períre in te credéntem atque sperántem, secúndum multitudínem miseratiónum tuárum respice propítius Fámulum tuum *N.* quem tibi vera Fides et Spes christiána comméndant. Visita eum in salutári tuo, et, per Unigéniti tui PassiÓNem et Mortem, ómnium ei delictórum suórum remissionem et véniam cleménte indúlge, ut ejus ánima in hora éxitus sui te Júdicem propitiátum invéniat, et in Sáanguine ejúsdem Filii tui ab omni mácula ablúta, transíre ad vitam mereátur perpétuam. Per eúndem Christum Dóminum nostrum. ℟. Amen.

Tum, dicto ab uno ex adstantibus Confiteor., Sacerdos dicat Misereátur. Deinde :

**D**OMINUS noster Jesus Christus Filius Dei vivi, qui beáto Petro Apóstolo suo dedit potestátem ligándi atque solvéndi, per suam piíssimam misericórdiam recipiat confessiÓNem tuam, et restituat tibi stolam primam, quam in Baptismate recepísti ; et ego, facultáte mihi ab Apostólica Sede tribúta, Indulgéntiam plenáriam et remissionem ómnium peccatórum tibi concédo : In nómine Patris ☩, et Filii, et Spiritus sancti. Amen.

Per sacrosáncta humánæ reparatiónis mystéria re-

míttat tibi omnípotens Deus omnes præsentis et futúre vitæ pœnas, Paradisi portas apériat, et ad gáudia sempitérna perdúcat. Amen.

Benedícat te omnípotens Deus, Pater ✠, et Filius, et Spíritus sanctus. Amen.

¶ Si Infirmus sit adeo morti proximus, ut neque confessionis generalis faciendæ, neque præmissarum precum recitandarum suppetat tempus, statim Sacerdos Benedictionem ei impertiatur, dicendo : **Dóminus noster Jesus Christus.**, ut supra.

¶ Et si mors proxime urgeat, dicat :

**Indulgéntiam plenáriam et remissionem ómnium peccatórum tibi concédo. In nómine ✠ Patris, et Filii, et Spíritus sancti. Amen.**

Expletis Orationibus, et dicta Absolutione, si tunc non est communicandus Infirmus, dicat Sacerdos :

v. **Dóminus vobíscum.**

**Orémus : Exáudi nos, Dómine sancte Pater.,** ut supra, pag. 165.

Postmodum asperso Infirmo Aqua benedicta, relinquatur ibi Crux, et collocetur ita, quod Infirmus possit Crucifixum respicere. Et sic egredientibus Fratribus, Sacerdos et Ministri ad Sacristiam revertantur.

¶ Si Infirmus communicandus fuerit, finitis Psalmis, interim dum Orationes dicuntur, exeat Sacerdos aliquis, cui Cantor innuerit, et cum duobus Ceroferariis et aliquibus Fratribus, uno ex eis deferente nolam, adferat Communionem. Et facta Absolutione prædicta ille qui facit Unctionis Officium, proposita sibi Eucharistia, communicet Infirmum secundum modum supra, pag. 164. notatum in Communionem. Quo facto, dicat :

v. **Dóminus vobíscum.**

**Orémus : Exáudi nos.,** ut supra, pag. 165.



Postmodum asperso Infirmo Aqua benedicta, egrediantur Fratres, ut supra.

Si, antequam terminetur Officium Uctionis, Fratrem mori contigerit, statim cognita ejus morte, intermissis omnibus, incipiatur Commendatio Animæ, post obitum Fratris **Subvenite.**, sicut infra, pag. 182.

## DE COMMENDATIONE ANIMÆ

### IN TRANSITU FRATRIS.

Cum Frater penitus morti appropinquaverit, crebris ictibus pulsetur tabella in Claustro, et in aliis locis, si necesse fuerit. Et statim Fratres, ubicumque fuerint, accurrant omnes ad morientem, dicentes : **Credo in Deum.** etc., et prosequantur totum, tam alte ut possit audiri, repetendo quousque ad Infirmum pervenerint. Et si nox fuerit, provideat Sacrista quod candelæ accendantur in via qua itur ad Infirmariam : Custodes tamen remaneant in Ecclesia, in Dormitorio et in Claustro, si necesse fuerit. Sacrista autem deferat Prælati Stolum et Collectarium ; et mittat Fratres qui deferant Crucem, si ibi non fuerit, et Aquam benedictam.

Si Fratres ad refectionem sederint, et fuerint in principio refectionis, vel in medio, audito signo, velociter exeant omnes, et non dicatur : **Tu autem...**, Refectorario ad custodiam Refectorii remanente. Si vero sint circa finem refectionis, innuente Priore dicatur : **Tu autem.** Et dicto breviter Versu **Confiteántur.**, vel **Memóriam.**, subjungente Hebdomadario **Agimus tibi grátias.**, vel **Benedictus Deus in donis.**, etc., absque Psalmo, statim exeant dicentes : **Credo in Deum.**, ut supra. Si autem in Oratorio fuerint ad Missam, vel canonicas Horas, prius exeant illi quibus ipse Prior innuerit : ceteri vero, com-